

ZBULONI BUKURINË E TIJ NË 7 MINUTA!

Pjesa 2 nga 7

Dr. Naxhi IBRAHIM

FEJA E ADEMIT DHE E HAVASË

Përktheu: Laureta Rexha

Redaktor: Dr. Sedat Islami

AUTOR: DR. NAJI IBRAHIM/ **EDITOR:** ANN RONAYNE/ **DIZAJNI:** DR. WASEEM RIAZ

FEJA E ADEMIT DHE E HAVASË

NJË FE DHE NJË MESAZH!

Që nga krijimi i Ademit dhe i Havasë përgjatë historisë vetëm një besim i vërtetë me një mesazh origjinal i është përcjellë në vazhdimësi njerëzimit. Për t'i përkujtuar njerëzit me të dhe për t'i kthyer ata prapë në rrugë, shumë Profetë dhe të Dërguar- duke përfshirë Ademin, Nuhun, Ibrahimin, Musain, Jezusin dhe Muhamedin- janë dërguar nga Zoti i vetëm i vërtetë për të përcjellë mesazhin e njëjtë dhe për të ndjekur fenë e njëjtë të Zotit.

Këta Profetë dhe të Dërguar të gjithë kanë predikuar të njëjtin mesazh, prandaj feja e tyre duhet të jetë e njëjta po ashtu! Nënshtrimi ndaj vullnetit të Zotit është në thelb të mesazhit të tyre. Kjo fjalë, 'NËNSHTRIM', është kuptimi i fjalës në gjuhën arabe 'ISLAM'.

Kurani pohon se nënshtrimi ndaj Zotit, ose 'Islami', është feja e vërtetë e Ademit dhe e të gjithë Profetëve dhe të Dërguarve të Zotit. Bibla përmend shumë thënie në të cilat Jezusi i mëson ndjekësit e tij ta bëjnë vullnetin e Zotit dhe t'i zbatojnë urdhrat e Tij. Njëjtë, Bibla shpall këto fjalë të vëllait të Jezusit, Jakobit, i cili gjithashtu i referohet kuptimit të Islamit (nënshtrimit ndaj Zotit) kur thotë: *"Nënshtrojeni, pra, Perëndisë, kundërshtoni djallin dhe ai do të largohet nga ju!"*. (Jakobi, 4:7)¹

Fjala 'musliman' domethënë një person i cili i nënshtrohet vullnetit të një Zoti të vërtetë, prandaj muslimanët janë ndjekësit e vërtetë të Ademit, Nuhut, Ibrahimit, Musait, Jezusit dhe Muhamedit dhe të Profetëve të tjerë.

¹ Përkthimi i teksteve biblike është huazuar nga bibla në shqip.

ZOTI I VETËM I VËRTETË NË TESTAMENTIN E VJETËR TË BIBLËS

“Dëgjo, Izrael, Zoti, Perëndia ynë, është një i vetëm.” (Ligji i përtërirë, 6:4)

“...sepse unë jam Perëndia dhe nuk ka asnjë tjetër; jam Perëndia dhe askush nuk më ngjet mua.” (Isaia, 46:9)

“Për këtë je i madh, o Zot, o Perëndi. Asnjëri nuk është si ti dhe nuk ka tjetër Perëndi veç teje, me sa kemi dëgjuar me veshët tona.” (2 i Samuelit, 7:22)

“... me qëllim që ju të më njihni dhe të keni besim tek unë, si dhe të merrni vesh që unë jam. Para meje asnjë Perëndi nuk u formua dhe pas meje nuk do të ketë asnjë tjetër. Unë, unë jam Zoti dhe përveç meje nuk ka Shpëtimtar tjetër.” (Isaia, 43:10-11)

“O Zot, askush nuk është i ngjashëm me ty dhe nuk ka tjetër Perëndi veç teje, sipas tërë ato që kemi dëgjuar me veshët tona.” (1 i Kronikave, 17:20)

“...Unë jam i pari dhe jam i fundit, dhe përveç meje nuk ka Perëndi.” (Isaia, 44:6)

“... Nuk ka Perëndi tjetër veç meje, një Perëndi i drejtë, një Shpëtimtar; nuk ka asnjë veç meje. Kthehuni nga unë dhe do të shpëtoni, ju mbarë skaje të tokës. Sepse unë jam Perëndia dhe nuk ka asnjë tjetër. Jam betuar në veten time, nga goja ime ka dalë një fjalë drejtësie dhe nuk do ta tërheq; çdo gju do të përkulet para meje dhe çdo gjuhë do të betohet për mua.” (Isaia, 45:21-23)

ZOTI I VETËM I VËRTETË NË TESTAMENTIN E RI TË BIBLËS

“Dhe ja, iu afrua dikush dhe i tha: ``Mësues i mirë, çfarë të mire duhet të bëj që të kem jetë të përjetshme?. Dhe ai tha: Pse më quan të mirë? Askush nuk është i mirë, përveç një të vetmi: Perëndia. Tani në qoftë se ti do të hysh në jetë, zbato urdhërimet.” (Mateu, 19:16-17)

“Dhe kjo është jeta e përjetshme, të të njohin ty, të vetmin Perëndi të vërtetë, dhe Jezu Krishtin që ti ke dërguar.” (Gjoni, 17:3)

“...Adhuro Zotin, Perëndinë tënde, dhe shërbeji vetëm atij.” (Mateu, 4:10)

“Dhe Jezusi u përgjigj: Urdhërimi i parë i të gjithëve është: “Dëgjo, o Izrael: Zoti, Perëndia ynë, është i vetmi Zot”, dhe: “Duaje Zotin, Perëndinë tënd, me gjithë zemrën tënde, me gjithë shpirtin tënd, me gjithë mendjen tënde e me gjithë forcën tënde!”. Ky është i pari urdhërim. Dhe i dyti i ngjan këtij: “Duaje të afërmin tënd porsì vetveten”. Nuk ka urdhërim tjetër më të madh se këta.” (Marku, 12:29-31)

“Atëherë skribi i tha: Mirë, Mësues. The, sipas së vërtetës, se ka vetëm një Perëndi dhe s`ka asnjë tjetër përveç tij.” (Marku, 12:32)

“Jezusi atëherë iu përgjigj atyre dhe tha: Doktrina ime nuk është imja, por e atij që më ka dërguar.” (Gjoni, 7:16)

ZOTI I VETËM I VËRTETË NË KURAN

“Zoti juaj është një Zot i vetëm! S’ka zot tjetër (të denjë për adhurim), përveç Atij, të Gjithëmëshirshmit, Mëshirëplotit!” (2:163)²

“Thuaj: “Ai është Allahu, Një dhe i Vetëm! 2. Allahu është Absoluti, të Cilit i përgjërohet gjithçka në amshim. 3. Ai as nuk lind, as nuk është i lindur. 4. Dhe askush nuk është i barabartë (a i krahasueshëm) me Atë!”.” (112: 1-4)

“...S’ka zot tjetër përveç Meje, andaj më adhuroni (vetëm) Mua!”.” (21:25)

“Ky është Allahu, Zoti juaj. S’ka zot tjetër të vërtetë përveç Tij, Krijuesit të çdo gjëje, andaj adhuroni vetëm Atë! Ai është Mbikëqyrës i çdo gjëje!” (6:102)

“A ka më të mirë se Ai, që zë fill krijimin dhe pastaj e ripërsërit atë, që ju jep mjete jetese nga qielli dhe toka?! Vallë, a ka krahas Allahut zot tjetër? Thuaj (o Muhamed): “Sillni provat tuaja, nëse ajo që thoni është e vërtetë!”.” (27:64)

“Allahu! Nuk ka zot tjetër (që meriton adhurimin) përveç Tij, të Gjallit, të Përjetshmit, Mbajtësit të gjithçkaje! Atë nuk e kaplon as dremitja, as gjumi! Atij i përket gjithçka që gjendet në qiej dhe gjithçka që gjendet në Tokë. Kush mund të ndërhyjë tek Ai për ndokënd pa lejen e Tij? Ai di çdo gjë që ka ndodhur përpara dhe çdo gjë që do të ndodhë pas njerëzve, kurse ata nuk mund të përvetësojnë asgjë nga Dituria e Tij, përveçse aq sa Ai dëshiron. Kursi-u i Tij shtrihet mbi qiejt dhe Tokën dhe Ai nuk e ka të rëndë t’i ruajë ato. Ai është i Larti, Madhështori!” (2:255)

² Përkthimi i kuptimit të ajeteve është huazuar nga përkthimi i kuptimeve të Kur’anit nga Hasan Nahi.

PËRFUNDIM

Të gjithë Profetët e Zotit dhe të Dërguarit- duke përfshirë Ademin, Nuhun, Ibrahimin, Musain, Isain dhe Muhamedin- janë dërguar nga i njëjti Zot, nga Krijuesi, për të përcjellë mesazhin e njëjtë, që është:

Zoti i vërtetë është vetëm një. Adhuroje vetëm Atë dhe zbato urdhëresat e Tij!

Megenëse të gjithë këta Profetë dhe të Dërguar predikuan të njëjtin mesazh, feja e tyre duhet të jetë e njëjtë! Pra, cila është feja e këtyre Profetëve dhe të Dërguarve?

Është nënshtrimi ndaj vullnetit të Zotit, i cili është në thelb të mesazhit të tyre. Kjo fjalë, 'NËNSHTRIM', në gjuhën arabe ka kuptimin e fjalës 'ISLAM'.

Kurani pohon se 'Islami' është feja e vërtetë e Ademit dhe e Havasë dhe e pasardhësve të tyre deri në Ditën e Gjykimit.

Përfundimisht, për të arritur shpëtimin, ne duhet ta pranojmë dhe ta besojmë me vullnet dhe me gjithë zemër mesazhin e përmendur me sipër. Por as kjo nuk mjafton! Ne duhet gjithashtu të besojmë te të gjithë Profetët e Zotit (duke përfshirë Profetin Muhamed) dhe ta pasojmë fenë, udhëzimin dhe mësimet e tyre.

Kjo është rruga për një jetë të lumtur deri në përjetësi!

EMRAT DHE TERMAT BAZIKË ISLAMË

Allah: Në gjuhën arabe emri Allah është emri kryesor i Zotit të vërtetë, Krijuesit. Islami na mëson se Allahu është Zoti i vërtetë i gjithë njerëzimit. Arabët hebrej dhe të krishterë e përdorin po kështu këtë emër (Allah) për t'iu referuar Zotit dhe kjo fjalë përdoret për Zotin në Biblat e shkruara në gjuhën arabe po ashtu.

Muhamed: Profeti i fundit i Zotit të vetëm të vërtetë (Allahut), i dërguar i të gjithë njerëzimit (paqja dhe mëshira e Allahut qofshin mbi të).

Kurani i Madhërishëm: Është fjala e fundit e Zotit të vetëm të vërtetë (Allahut), siç i është shpallur Profetit Muhamed.

Islami: Nënshtrim ndaj vullnetit të Zotit të vetëm të vërtetë (Allahut), Krijuesit.

Muslimani: Ai që i nënshtrohet vullnetit të Zotit të vetëm të vërtetë (Allahut), Krijuesit.

A je ende kureshtar?

Nëse je kureshtar dhe i/e interesuar të zbulosh më shumë informata dhe detaje rreth Islamit, ju lutem vizito webfaqen tonë: www.discoveritsbeauty.com

Ndihuni të lirë të na dërgoni me e-mail pyetjet dhe kritikrat tuaja në: info@discoveritsbeauty.com

SERITË E 'ZBULOJE BUKURINË E TIJ NË 7 MINUTA'

- 1) Vetëm maja e ajsbergut
- 2) Feja e Ademit dhe Havasë
- 3) ABC-ja e Islamit
- 4) Përgjigje ndaj pyetjeve kritike të
njerëzimit
- 5) Emrat e Tij të bukur
- 6) Shpallja e fundit
- 7) I Dërguari i fundit

WEBFAQET E DOBISHME ISLAME

- <http://www.allahsquran.com>
- <http://www.quranexplorer.com>
- <http://www.islamhouse.com>
- <http://www.edialogue.com>
- <http://www.islamreligion.com>
- <http://www.newmuslimguide.com>

DËSHMIA E BESIMIT

HYRJA NË ISLAM

“Dëshmoj se nuk ka Zot tjetër pos Allahut dhe dëshmoj se Muhamedi është i Dërguari i Allahut.”

Në arabisht lexohet:

أشهد أن لا إله إلا الله
وأشهد أن محمدا رسول الله

që në shqip tingëllon sikurse më poshtë:

ESH-HEDU EN LA ILAHE IL-LA ALLAH,
VE ESH-HEDU ENNE MUHAMMEDEN RESULULLAH!

Kjo është dëshmia e besimit që duhet të deklarojmë në mënyrë që të përqafojmë Islamin; ajo përmbledh të vërtetën, bukurinë dhe thjeshtësinë e Islamit.

Publikuar nga GLOBAL ACADEMY FOR TRANSLATION AND EDUCATION (GATE)
LONDËR, MBRETËRI E BASHKUAR

www.the-gate.co.uk

info@the-gate.co.uk